

ያቆቤ ፃፊዳ ኪታ ጊዲ ቆፋ

ሃይሲ ያቆቤ ኪታዚ አሲ ሃኙ ሃኙ ዳና ዳሳ ጊሽ የቴዛዝ ጊዲሺን እዚ ፃፊቴዳይ ዳማ ዳማ ዳሬን ላሌቴ ዲዛ ታማኔ ናሞዑ ኢሰራዔል ዛርኬታሳ፤ ሄሳ ፃፊዳዳይ ኑኒ ኑ ኤራቴሳ ኦሶን ፔይሻና ኦኔ ጊሽ አማኒዛ አሳ ሞኮ ጊሺኔ አማሌ ሎዔፋና ኦኔ ቤሲዛ የጾታ ቆንጨሲዛ ሃሳያታ ሌሚሶራ ቤሴሰ። ማንቆቴሳ ጊሽ፣ ፓጩ ጊሽ፣ ሎጾ አማሌ ጊሽ፣ ቃንጌቴሳ ጊሽ፣ አማኖ ጊሺኔ ሎጾ ኦሶ ጊሽ እንፃርሳ ኢታቴሳ ጊሺኔ ሎዔቴሳ ጊሽ፣ አጵ ኤራቴሳ ጊሽ ኢሶይ ኢሳራ ኦሻ ጊሽ፣ ኦቶሬቴሳ ጊሺኔ አሺኬቴሳ ጊሽ፣ ሃራ አሳ ቦላ ፐርዳ ጊሽ፣ ጨቄቴሳ ጊሽ፣ ዳንዳያ ጊሺኔ ዋሳ ጊሽ፣ አማኒዛይቴ ኦፋናሰ ቤሲዛ ሚሻታ ሁዔን ሁዔን ፃፊዳሰ።

ሃ ኪታዚ አማኖይ አማኖ ዳዓን ኦፊታና ቤሲዛ ኦኔታ ሎዔላ ቆንጨሲሰ።

- ሃ ማፃፋይ ኦይኪዳ ኩሜሳ ቆፋ
- ጌሎሶ 1:1
- አማኖኔ አጵ ኤራቴሳ 1:2-8
- ማንቆቴሳኔ ዳራቴሳ 1:9-11
- ፓጩ 1:12-18
- ጾሳ ቃላ ሲይዲ ኦሶን ፔይሾ 1:19-27
- ኦኔይ ባይንዳ ማዶ ማዶንታ ማላ ኢሜቴዳ ቆሬሶ 2:1-13
- አማኖኔ ኦሶ 2:14-26
- አማኒዛዳኔ ኢዛ ሃሳያ 3:1-18
- አማኒዛዳኔ ሃይሳ ሃ አላሜዛ 4:1-5:6
- ዳማ ዳማ ሃኖታ ጊሽ ኢሜቴዳ ዞሬ 5:7-20

1 ጾሳ ኦሳንቻኔ ዩሱሰ ኪርሰቶሳ ኦሳንቻ ጊዲዳ ያቆቤፔ ቢታ ቦላ ላሌቴዳ ታማኔ ናሞዑ ኮቻታሰ ሳርቴላ ኢንቴሰ ጊድ። *

ሜቶኔ ፓጩ

* 1:1 ማቶ 13:55፤ ማር 6:3፤ ሃዋ 15:13፤ ጋላ 1:19

2 ታ አሻቶ! አንቲ ቦላ ዲማ ዲማ ዋዬይ ጋኪኮ ሄሳ ወርሲ ኡፋይሳን ቆዲቲ። 3 ጋሶይካ አንቲ አማኖ ፓጩቴላ አንቲሰ ዲንዲያ አሚዛይሳ አንቲ ኤሬታ። 4 አንቲ ዲንዲያን ሚኒ ኤቃናይሲ አንቲሰ ኢሲ ሚሺካ ፓጩንታ ኩሜላ ኣሲኔ ዋሶይ ባይንዲይታ ጊዳና ማላ ኦሎ። 5 አንቲ ጊዳሬ ኣናሰካ ኤራቴላ ፓጩኮ ኦናካ ሌቆንታ ባ ኪያቴላራ ኡባሰ አሚዛ ያሳ ዋሶ፤ አዛዴሰካ አሚታና። 6 ጊዳ ኣቲን ሲጴይ ባይንዲ አማኖን ዋሶ። ጋሶይካ ሲጴዛዴይ ኣባ ቃሊዛ ዲሞባላ ጫርኮ ማላ። 7 ሄሳዴይ ጎዳፔ ኣይኮካ ዲማና ጊዲ ቆፖፎ። 8 ሄሳዴይ ናምዑ ቆፋን ኦይኬቴዲ ባ ቢዛ ኦኔ ቦላ ያኔ ሃኔ ጊዛ ኣሳ ማላ።

9 ካሴ ዚቃ ዲሳን ዲዛዴ ያሲ ጶቁ ሂሰታና ጊሽ ኡፋዬቶ። 10 ኣሳ ዲሬቴላ ማታ ጨሻ ማላ ቆካና ጊሽ ዲሳን ጶቁ ጊዳዴይ ያሲ ኢዛ ዚቁ ሂሰቲኮ ኡፋዬቶ። 11 ኣዋ ኣርሼይ ፀ-ጊዲ ማታ ሹሊሴሰ፤ ማታ ጨሻይካ ሹሊሴሰ፤ ኢዛ ሎዔቴላካ ጳዬሰ፤ ሄሳሶካ ዲሬይ ሃኛ ሃኛ ዳቡርሳን ዲሺን ኢዛ ዲሬቴላ ጳዬሰ።

12 ፓጩን ሚኒ ኤቁዳዴይ ኢዚ ኣንጃቴዳዴ። ጋሶይካ ኢዚ ፓጩራ ኤቁቴሺን ያሲ ባና ደሲዛይታሰ አሚዳ ሂደታ ዴዖ ኣክሊሌ ኢዚ ኤካና። 13 ኦኒካ ፓጩቴዛ ጊዲኮ ታና ያሲ ፓጩሰ ጎፖ፤ ጋሶይካ ያሲ ኣሴ ኢታን ፓጩና፤ ኢዚ ኦናካ ፓጩ ኤሬና። 14 ጊዳ ኣቲን ኢሲ ኢሲ ኣሲ ፓጩቴዛይ ባርካ ባ ኢታ ኣሞ ካሊሼኔ ባሊቴሼ ፓጩቴሰ። 15 ኣሞይ ቃንሳቴዲ ናጋራ ዬሌሰ፤ ናጋራይካ ዲጨዳፔ ጉዬ ሃይቆ ዬሌሰ።

16 ታ ሲቆ አሻቶ! አንቲ ባሌቶፍቴ። 17 ሎዖ አሞቴሊኔ ኩሜላ ኣንጃይ ወሪ ቦላ ሳሎ ፖዖታ ኣዋፔ ዋዴቴሰ። ኢዛ ኣቻን ሄኔ ሃ ዩዩዛ ኤሻይካ ዴና። 18 ኦ ኢዛ ሚጴቴላሰ ኮይሮ ባይራታ ጊዳና ማላ ባ ሼኔኒኔ ባ ቴማ ቃላን ኦና ዬሊዴሰ።

ሲዩዳይሳ ኦሶ

19 ደሴቴዳ ታ አሻቶ! ሃይሳ ዩሺ ቆፒቴ፤ ኣሲ ወሪካ ሲያናሰ ኤሶቶ፤ ሃሳያሲኔ ሃንቆሰ ኤሶቶ። 20 ኣሳ ሃንቆይ ያሳ ያሎቴላ ኦሌና። 21 ሄሳ ጊሽ ቴናቴሊኔ ዳልጊዳ ኢታቴላ አንቲሬ ኬሲ ዬጊዲ አንቲ ሸምፖ ኣሻናሰ ዲንዲዩዛ አንቲ ጊደን ቶኬቴዳ ቃላ ኣሽኬቴላራ ኤኪቴ።

22 ቃላይ ጊዛይሳ ኦሊቴ ኣቲን ማላ ሲሲ ያላላ ሲዩዛዴንታ ጊዲዲ አንቲርካ አንቲና ባሌሶፍቴ። 23 ቃላ ሲዩሼ ሲዩዳ ቃላይ ጊዛይሳ ኦሶንታዴይ ባ ኣይሬሶ ማሰቶቴራ ያሊዛ ኣሳ ማላ። 24 ባና ያሊ ቤዩዲ ቤሰ፤ ኢዚ ኣይ ሚሳቴዛኮኔ ሄራካ

ባሌተቸሰ። 25 ጊደ አቲን ባና ገሺዛ ሎዎ ዋጋ ዓሊ ቤዱዲ ኢዛን ሚኒዛዴይ ባ ሲዱዲይሳ ኦሌዛዴይኔ ባሎንታዴይ ኢዚ ባ ኦሶን ኣንጃቲዳዴ ጊዳና።

26 ባ ዲና ናጎንታ ባርካ ባ ዎዝና ባሌሊሼ ታ ኣማናይሰ ጊዛዴይ ባርካ ባና ባሌሌሰ። ኢዛ ኣማናይካ ማላ ሃዳ ኣማኖ።

27 ያሳ ኣዋ ሰንላን ኢታቴሌ ባይንዳ ሎዎ ኣማናይ፤ “ኣዖኔ ኣዋይ ሃይቁዳ ናይታ፣ ኢሰታ ኣዚናቲ ሃይቁዳ ማጫሳታ ማቶቴቲሺን ማዶኔ ሃይሳ ኣላሜዛ ቴናቴላፊ ባና ናጎ።

2

ኣጌይ ባይንዳ ማዶ ኮሺና

1 ታ ኣሻቶ! ኣንቴ ቦንቸቲዳ ጎዳ ዬሱስ ኪርሰቶሳ ኣማኒዛይታ ጊዲዳ ማላ ኣሴ ቤሶንታ ኦጌራ ማዶፍቲ። 2-3 ዋርቃ ዪቕ ቢራዴን ኣሌዲ ሎዎ ማይዎ ማይዒዳ ኣሲ ኣንቴ ሸቁዛሶ ዪኮ ሄሳሶካ ቁታ ማይዎ ማይዒዳዴይ ሄ ሸቁዛሶ ዪኮ ቃሴካ ሃራ ቁታ ማይዎ ማይዒዳ ማንቆ ኣሲ ጌሊኮ ሎዎ ማይዒዳይሳ ዳማ ቦንቸ ሶንቸዲ “ኔስ ቤሰዛ ሎዎ ኡቲዛሶ ሄሳ ቤያ” ጊዲ ሃንኮ ማንቆዛ ቃሴ “ኔ ሄን ሄሳን ኤቃ፤ ዋይኮ ሃ ያ፣ ታ ጋርሳን ወጌን ኡታ” ኣንቴ ጊኮ፣ 4 ኣንቴ ኣንቴ ጊደን ቤሶንታ ማዶ ኦሌታ ጊዴኬቲ? ቃሴካ ኣንቴ ኢታ ቆፋን ኦይኬቲዳ ኢታ ፐርዳ ፐርዲዛይታ ጊዴኬቲ?

5 ታ ሲቆ ኣሻቶ! ኣኔ ሲዪቴ፤ ኢሰቲ ኣማኖን ዳሬታ ጊዳና ማላ ያሲ ባና ዶሲዛይታሰ ሂደታ ኢሰታሰ ኢሚዳ ካዎቴላ ኢሰቲ ላታና ማላ ሃይሳ ሃ ኣላሜዛን ዲዛ ማንቆታ ዶሪቤኔ? 6 ኣንቴ ቃሴ ማንቆታ ካወሺታ። ኣንቴና ዋይሲዛይ ዳሬታ ጊዴቴኔ? ኣንቴና ፐርዳሶ ጎቸዛይ ኢሰታ ጊዴቴኔ? 7 ኣንቴናን ያይጌቲዳ ቦንቸ ያሳ ሱንሳ ዘጊርዛይቲ ኢሰታ ጊዴቴኔ?

8 ማፃፋን “ኔ ላጌ ኔ ሁዒ ማላ ሲቃ” ጌቲቲ ያፊቲዳ ካዎ ዋጋ ኣንቴ ፖሊኮ ሎዎ ኦሌታ። 9 ኣንቴ ቤሶንታ ማዶ ማዲኮ ናጋራ ኦሌታ። ዋጋ ሰንላንካ ኣንቴ ዋጋ ዬዲዳዴ ጊዲ ቆዴታና። 10 ጋሶይካ ዋጋ ወርሲ ፖሊዛዴይ ቃሴካ ዋጋፔ ኢሲኔዪን ቆጵቲዛ ኣሲ ወርሲካ ዋሪዳዴ ማላ ቆዴቴሰ። 11 “ላይማቶፓ” ጊዳዴይ ኢዚካ ዛሪዲ “ዎጵፓ” ጊዴሰ። ኔ ላይማቶንታ ኣጊኮካ ኔ ኣሳ ዎጵኮ ዋጋፔ ኣዲዳዴ ጊዳሳ። * 12 ኣንቴ ሃሳያ ሃሳዪሼ ዋይኮ ኢሲ ሚሽ ኦሌሼ ኣንቴና ያሊሲዛ ኣሳ ማላ ጊዲቴ። 13 ጋሶይካ ማርንታይ ወሪካ ማርይ ባይንዳ ፐርዴታና። ማርይ ፐርዳ ያኔሰ።

* 2:11 ኬሳ 20:13-14፤ ዛሬ 5:17-18

አማኖኔ ኦሶ

14 ታ አሻቶ! ኢሲ ኣሲ ታሰ አማኖይ ዴሰ ጊኮ ቃሴ ኦሶን ቤሶንታዳ ጊዲኮ ኢዛ ኣይ ማዳኔ? ሄሳ ማላ አማኖይ ኢዛ ኣሻኔ? 15-16 ኣኔ ቆፒቲ፥ ኢሲ ኣሻይ ዋይኮ ኢሲ ሚቺያ ማይያይ ዋይኮ ሚዛይሲ ባይንዳ ኣጊኮ ኢንቴፊ ኢሳዴይ “ኢንቴ ሳርን ቢቲ! ኢንቴና ማጎፎ! ካሊቲ!” ጊኮ ኢስታ ኣሾሰ ኮሺዛይሳ ኢሞንታ ኣጊኮ ኣይ ማዳኔ? 17 ሄሳልካ ኦሶይ ባይንዳ አማኖይካ ባሰ ሃይቁዳይሳ።

18 ጊደ ኣቲን ኢሳዴይ “ታሰ ኦሶይ ዴሰ ኔሰ አማኖይ ዴሰ። ኔኒ ኔ አማኖ ኦሶፕ ሻካዳ ታና ቤሳ፤ ታ ቃሴ ታ አማኖ ኦሶን ኔና ቤሳና” ጊኮ፥ 19 ኔ “ኢሲ ያሲ ዲዛይሳ አማኖሳ” ሄሲካ ሎያ፤ ዳይዳንሳቲካ ሄሳ ማላ አማኔቴሲኔ ከሂ ኮኮሬቲሰ። 20 ኔኖ ኤያዞ! ኦሶይ ባይንዳ አማኖሰ ጎዳይ ባይንዳይሳ ኤራናሰ ማርካ ኮያይ? 21 ኑ ኣዋ ኣብራሃሜይ ባ ና ዪሳቃ ያርሺዛሶዛ ቦላ ሺሺዳ ዋዴ ኦሶን ያሊቤኔ? * 22 ሄሳን አማኖዛ ኦሶራ ጋሊ ኦሊዛይሳ ኔ ቤያሳ፤ አማኖይካ ኦሶን ፖሌቲዴሰ። 23 “ኣብራሃሜይ ያሴ አማኒዴሰ፤ ሄ አማኖይ ኢዛሰ ያሎቴላን ቆዴቲዴሰ” ጊዛ ማፃፋ ቃላይ ፖሌቲዴሰ፤ ኢዚካ ያሲ ደሲዳዴ ጌቲቲዴሰ። * 24 ሄሳ ጊሽ ኣሲ አማኖን ፃላላ ጊደንታ ኦሶንካ ያሊዛይሳ ኢንቴ ቤዬታ። *

25 ሄሳልካ ላይማን ዲዛ ኤራዓባ ኪቲቲ ቢዳ ኣሳታ ሞካ ኤካዳ ሃራ ኦጌራ ሞዪዛ ዬዲዳ ጊሽ ባ ኦሶን ያላቤይኬ? 26 ሺሞፖፊ ሻኬቲዳ ኣሾይ ሃይቁል ጊዲዳ ማላ ኦሶፕካ ሻኬቲዳ አማኖይ ሃይቁል።

3

ባ ዲና ናጎ

1 ታ አሻቶ! ኢንቴፊ ዳርቲ ኣሰታማሬታ ጊደፔቶ፤ ጋሶይካ ኑ ኣሰታማሬ ጊዲዳይቲ ኣዴሳ ፐርዳ ኤካናይሳ ኢንቴ ኤሬታ። 2 ኑ ዉሪካ ዳር ሚሻን ቆ.ጴቶሰ። ሃሳያን ቆ.ጴቶንታዴይ ዲኮ ኢዚ ባ ኣሳቲል ሎዔሊ ናጋናሰ ዳንዳዪዛ ኩሜላ ኣሳ። 3 ኑኒ ፓራታ ኣዛዘናሰ ቢፃላ ባርሲዲ ኑ ኮይዳ ማላ ኢስታ ኣዛዘሰ። 4 ዋይኮ ኣኔ ማርካቤታ ያሊቲ። ኢሰቲ ኣይ ጊታታኔ ጫርኮን ሱጌቲ ቢዛይታ ጊዲኮካ ማርካቤ ላጊዛዴይ ቁሪ ላፋ ላጊዛ

* 2:21 ሜጴ 22:1-14 * 2:23 ሜጴ 15:6፤ 2ታር 20:7፤ ኣሳ 41:8
* 2:24 ኢያ 2:1-21

ሚሻራ ባ ኮዩዛሶ ኤፌሰ። 5 ሃሳቡን አሳቴላ ጋርሳን አንፃርሲ ጉል ገዳ ኡታዳ ገታ ዋልቃማ ኦቶሮ ኦቶሬታወሰ፤ ቄሪ ታማይ ገታ ዋራ ዋሰቲ ፀጊ ዳይሲዛኮኔ ኣኔ ዩሺ ቆፒቴ። 6 አንፃራሲካ ባ ባጋራ ታማ ማላ፤ ኦ አሳቴላ ገደን ዲዛ ኢታ ኣላሚ። አሳቴላ ወርሳ ቴኒሳወሲኔ አሳቴላ ቦላ ታማ ጉጃወሰ፤ ባሰካ ጋናሜ ታማን ፀጊታና።

7 ማህይ፣ ደዓይ፣ ካፎቲ ሃይሳቡካ ቢታ ቦላ ጎሼቲዛይታኔ ኣባ ገደን ዲዛ ሜዴቲላታ ወርሲ ኣሲ ሃራና ዳንዳዬሰ፤ ኢሰቲካ ሃሬቲዳ። 8 ገደ ኣቲን አንፃርሰ ሃራናሰ ዳንዳዬዳይ ኦኒካ ዴና። ዋዲዛ ማርቼይ ኢዚን ኩሚዳሮኔ ኢዛ ሽምፓ ኤኮንታ ኢታ ሚሻ። 9 ኦኒ ኦ አንፃርሳይራ ጎዳኔ ኣዋ አንጀሰ። ኢዚንካ ያሳ ሌሚሶን ማዴቲዳ አሳ ናይታ ዛሪዲ ቃንጎሰ። * 10 አንጀይኔ ቃንጌሌ ኢሲ ዲናራ ኬዜሰ። ታ አሻቶ! ሄሲ ሃሳላ ሃናናሰ ቤሴና። 11 ኢሲ ፑልቶ ኦላፌ ማልዎ ሃሊኔ ጫሞ ሃሊ ፑልቲ ኤሪዜ? 12 ታ አሻቶ! ባላሴ ጌቴቲዛ ሚሊ ዋጋራ ኣይፌ ዋይኮ ዋይኔ ሚሊ ባላሴ ሚላ ኣይፌ ኣይፋናሰ ዳንዳዬዜ? ሃሳቡን ጫሚዛ ሃላፌ ማልዲዛ ሃሊ ቤታና ዳንዳዬና።

ናምዑ ቆሞ ኤራቴላ

13 አንቴ ጋራሳፌ ኣኬካራ ዲዛ ኤራ ኣሲ ኦኔ? ኤራይ ዲዛ ገዲኮ ኣኔ ባ ኦሶ ኣሽኬቴላኒኔ ኣዶ ኤራቴላራ ባ ሎዎ ዲሳን ቤሶ። 14 ቃሴ ጫሞኔ ቃናቴይ፣ አንቴና ያላላ ደሲዛ ሃናይ አንቴ ዋዝናን ዲዛ ገዲኮ ኦቶሬቲላ አንቴሰ ሲዬቶፎ። ቲማካ ካደፊቴ። 15 ሂኒ ማላ ኤራቴላያ ሳሎፔ ገዲኩ። ሂና ቃሴ ቢታፌ፣ ኣሾፔኔ ያላዔፔኮ! 16 ቃናቴይኔ ባርካ ባና ሲቆይ ዲዛሶን ዋሶይኔ ኢታ ኦሶይ ወሪ ዳሰ።

17 ሳሎፔ ገዲዳ ኤራቴላያ ገዲኮ ኮይሮ ጌሻ፣ ጉዬፔካ ሳርቴላ ደሲዛር፣ ዳንዳዬዛር፣ ኤሮ ገዛር፣ ማርቴሊኔ ሎዎ ኣይፌይ ኩሚዳር፤ ቃሴ ዋርዶ ማደንታሮኔ ኡሎን ጌኔይ ባይንዳር። 18 ሳርቴላ ደሲዛ ኣሳቲ ሳርቴላን ዜሪዲ ዪሎቴላ ኣይፌ ማጻቴሰ።

4

አንቴናቴላ ያሳሰ ሃሪሲቲ

1 አንቴ ገደን ዲዛ ኦላይኔ ኦሻይ ኣዋፔ ዩዳ? አንቴ ዋዝናን ዲዛ ኣሞቴላፌ ዴንዲዳ ኦላ ገዴኔ? 2 አንቴ ኣሞቴታ

* 3:9 ሜዲ 1:26

ሺን ዳሜኬታ። አንቴ አሰ ዋዴታኔ ኬሂ አሞቲታ ሺን ዳማና ዳንዳዬኬታ። አንቴ አንቴ ጋርሳን ኦዬቲዛ ገሻኔ ኦሌቲዛ ገሽ ቃሴ ዋሶንታ ገሽ አንቴሰ አሜቴና። ³ አንቴ አንቴ አሾ ኡፋይሳናሰ ኢታ ቆፋን ዋሲዛ ገሽ ዋሲዳይሳ አንቴ ኤኬኬታ። ⁴ አንቴኖ ላይማቲዛይቶ! አላሜራ ሲቄቴሌ ያሳራ ሞርኬቴሌ ገዲዳይሳ ኤሬኬቲ? ሄሳ ገሽ ሃይሳ አላሜዛራ ሲቄቴሌ ኮዪዛይ ዉሪካ ያሳሰ ሞርኬ። ⁵ ዋይኮ ጌሻ ማፃፋ ገደን “ኑናን ኢዚ አይሲዳ አያናይ ኑ ኢዛይታ ገደና ማላ ደር አሞቴሰ” ገዛይሲ አንቴሰ ጮ ማላ ገደ ሚሳቲዜ? ⁶ ገደ ኣቲን ኢዚ ባ ኪያቴሌ ኑሰ ጉጂ አሜሰ። ማፃፋይካ “ያሲ ኦቶራንቻታራ ኤቄቴሰ፣ አሽኬታሰ ቃሴ ባ ኪያቴሌ አሜሰ” ገደይ ሃሳሳ። *

⁷ ሄሳ ገሽ አንቴና ያሳሰ ሃሪሰቴ። ዳቡሎሳራ ኤቄቴቲ፣ ኢዚ አንቴፌ ባቃታና። ⁸ ያሳኮ ሸቄቴ፤ ኢዚካ አንቴኮ ሸቃና። አንቴኖ ናጋራንቻቶ! አንቴ አንቴ ኩሼ ጌሺቴ፣ አንቴ ናምዑ ቆፋን ቃዲዛይቶ! አንቴ አንቴ ዋዝና ጌሺቴ። ⁹ ዳርሲ ቆጥቴ፤ ሙዞቲቴ፤ ዬኪቴ፤ አንቴ ሚቻይ ዬሆን፤ ኡፋይሳይ ቃሴ ሙዞቴላን ሲሞ። ¹⁰ ጎዳ ሲንላን አንቴ አንቴና ካዉሺቴ፤ ቃሴ ኢዚ አንቴና ቶቄ ቶቄ ሂሰታና።

¹¹ ታ አሻቶ! አንቴ አንቴ ጋርሳን አሶይ አሳ ሞቶፒቴ፤ ባ አሻ ሞቲዛዳይኔ ባ አሻ ቦላ ፐርዲዛይይ ዋጋ ቦላ ኢታ ሃሳዬሲኔ ዋጋ ቦላ ፐርዳሰ። ሂሰቲኮ ኔ ዋጋ ቦላ ፐርዲዛዳ ኣቲን ዋጋ ናገዛይ ገደካ። ¹² ዋጋ ዋሌዳይይኔ ፐርዲዛይይ አሳዳ ፃላላ። ኢዚካ ቆይሳናሲኔ አሻናሰ ዳንዳዪዛይ። ገደ ኣቲን ኔኔ ኔ ላጌ ቦላ ፐርዲዛይይ ኦኔ?

ጨቄታናሰ ቤሴና

¹³ “አንቴ ሃቺ ዋይኮ ዋንቶ ሃኖ ሃ ካታማኖ ዋይኮ ሃኖ ሄ ካታማኖ ኑ ባና፤ ቢዲ ሄን ኢዚን ኢሲ ላይሌ ኡታናኔ ዛልዒ ዋዲሳና” ገዛይቶ! ኣኔ ሃ ሲዪቴ። ¹⁴ ዋንቶ ሃናናይሳ አንቴ ኤሬኬታ። አንቴ ሽምፖይ ኢዛ ኣዜ? አንቴ ጉላ ዋዳ ኣይፌን ቤቲዲ ቆዩዛ ሃላ ፔንታ ማላ። ¹⁵ ሃይሳ ጋናፔ “ጎዳ ሸኔ ገዲኮኔ ኑ ፓፃ ዲኮ ሄሳካ ሃይሳካ ኦላና” ጋናሰ አንቴሰ ቤሴሰ። ¹⁶ ሃዒ ገዲኮ አንቴ ኦቶራቴላን ጨቄቴታ። ሄሳ ማላ ኦቶራቴሌ ዉሪካ ኢታ። ¹⁷ ሄሳ ገሽ ሎፖ ገዲዛይሳ ኦላናሰ ቤሲዛይሳ ኤሪሽ ኦላንታዴሰ ናጋራ ገደና።

* 4:6 ለፆ 3:34

5

ዲሬታሰ አሜቲዳ ዞሬ

1 ሂሰቲኮ አንቴኖ ዲሬ አሳቶ! እኔ ሲዩቴ። ቡር አንቴ ቦላ ጋካና ሜቶዛ ጊሽ ዩኪቴ፤ ወ ወይ! ጊ ዋሲቴ። 2 አንቴ ሃርይ ቡቁዴሰ፣ አንቴ ማይዎካ ቢላይ ሚዴሰ። 3 አንቴ ዋርቃይኔ አንቴ ቢራይ ሺይዴሰ። ሄ ሺይዳይሲካ አንቴ ቦላ ማርካቴሲኔ አንቴ አሾ ታማ ማላ ፀጌሰ። አንቴ ዋዴ ወርሴላሰ ሚሼ ሺሺዴታ። 4 አንቴ አንቴ ዋዘናን ዋሊቴ፤ አንቴ ካሐ ማዲሼ ፔይዳይታሰ ኢሰታ ዋልቃ ዋጋ አንቴ ቃንዎንታ ኣጊዳ ጊሽ አንቴ ቦላ ዋሲሼ አንቴ አቻን ዴቴሰ። ካሐ ማዲዛይታ ዋሶይ ኡባ ዳንዳዪዛ ጎዳ ሃይላን ጋኪዴሰ። * 5 አንቴ ቢታ ቦላ አሻሎኔ አልዔቴላን ዴዒዴታ፣ አንቴ ዋዘና ሹካሰ ጳኪዳ ማሄ ማላ ዋዲሲዴታ። 6 አንቴ አንቴናራ ኤቁቶንታ ዲሎ አሳታ ቦላ ዋርዶ ዋሊዲ ዋዲዴታ።

ሜቶ ዳንዳዮ

7 ሃሳ ጊሽ ታ አሻቶ! ጎዳይ ሃ ያና ጋካናሰ ዳንዳዪቴ። ጎሼ ጎዪዛዴይ ቢታይ ሎዎ ካሊ ካፃና ጋካናሰ ዋኒ ዳንዳዪዛኮኔ ኮይሮ ኢራኔ ወርሴላ ኢራ ኢዚ ዋሰቲ ናጊዛኮ እኔ አኬኪቴ። 8 አንቴካ ሃሳላ ዳንዳዪቴ። አንቴ ዋዘና ሚንሊቴ። ጋሶይካ ጎዳ ዩሳ ጋላሲ ማቲዴሰ።

9 ታ አሻቶ! አንቴ አንቴ ጊዲን ዚግሬቶፊቴ፤ አንቴ ዚግሬቲኮ አንቴ ቦላ ፐርዴታና። ፐርዳናዴይ ሄኮ አንቴ ፔንጌ ቦላ ኤቁዴሰ። 10 ታ አሻቶ! ጎዳ ሱንላን አንቴሰ ዮቲዳ ናቤታ ዋዬቴሊኔ ኢሰታ ዳንዳያ አንቴሰ ለሚሶ ሂሰቲ ያሊቴ። 11 ዳንዳያን ጌንጪዳ አሳታ ኑ ኢሰታ “ኢሰቲ ኣንጃቲዳይታ” ጊ ቆዲዛይሳ አንቴ ኤሬታ። አዮቤይ ዋኒ ዳንዳዪዳኮኔ አንቴ ኢዛ ጊሽ ሲዩዴታ። ጎዳይ ኢዛ ወርሴላን ኣይ ኦሊዳኮኔ አንቴ ቤይዴታ። ጎዳይ ኣሳሰ ኬሂ ሚሹቲዛዴኔ ማሪዛዴ። *

12 ሃራፔካ ታ አሻቶ! ሳሎን ጊዲን ዎይኮ ሳዓን ጊዲን ዎይኮ ኣይ ሚሻንካ ጫቆፍቴ፤ “ኤ” ጋናሰ ቤሲዛ ሚሽ ጊዲኮ “ኤ” ጊቴ። “ኣካይ” ጋናሰ ጊዲኮ “ኣካይ” ጊቴ ሃሳፌ ሃራ ጊኮ አንቴ ቦላ ፐርዴታና። *

አማኖ ዋሳ

* 5:4 ዛሬ 24:14-15 * 5:11 እዮ 1:21-22፤ 2:10፤ ማዛ 103:8 * 5:12 ማቶ 5:34-37

13 እንቲ ጋርሳን ሜቶቲዛ ኣሲ ዲዜ? ዲዛ ገዲኮ ኢዚ ዋሶ። ኡፋዬቲዛዳይ ዲዜ? ዲዛ ገዲኮ ኡፋይሳ ዬል ዬዖ። 14 እንቲ ገደን ሳኬቲዛ ኣሲ ዲዜ? ዲኮ ዋሳ ኬፋ ጨማታ ዓይነ። ኢሰቲካ ጎዳ ሱንፋን ዛይቲ ኢዛ ቦላ ቲይዲ ኢዛሰ ዋሴቶ። *

15 ኣማኖን ዋሲዳ ዋሳይ ሃርገዲዳ ፓፋና። ጎዳይካ ኢዛ ዳንፋና። ኢዚ ናጋራ ኦሊዳዳ ገዲኮካ ያሲ ኢዛ ማራና። 16 ሄሳ ገሸ እንቲካ እንቲ ጋርሳን ኢሶይ ኢሳራ እንቲ ናጋራ ፓፄቲቲ፤ ፓፅና ማላ ኢሶይ ኢሳሰ ዋሲቲ። ዪሎ ኣሳ ዋሳይ ዋልቃራ ዳሰ፤ ዋልቃማ ኦሶካ ኦሴሰ። 17 ኤላሲ ኑ ማላካ ኣሳ። ኢዚ ኢራይ ቡኮንታ ማላ ሚንሊ ዋሲን ቢታ ቦላ ሄቩ ላይሊኔ ባጋ ጋካናሰ ኢራይ ቡኪቤና። *

* 18 ቃሴካ ዛሪ ዋሲን ኢራይ ሳሎፔ ቢታ ቦላ ቡኪዳሰ። ቢታይካ ካል ኢሚዳሰ። *

19-20 ታ ኢሻቶ! እንቲፌ ኢሳዳይ ቱማፔ ባሌቲን ሃራ ኣሲ ኢዛ ዛሪኮ ሄሳ ዋዝናን ዋሊቲ። ናጋራንቻ ኢዚ ባሌቲዳ ኦጌፔ ኢዛ ዛሪዳዳይ ሄሳዳ ሾምፖ ሃይቆፔ ኣሾሲኔ ኢዛዳ ናጋራ ዳርዛካ ካሜሰ። *

* 5:14 ማር 6:13 * 5:17 1ካዎ 17:1፤ 18:1 * 5:18 1ካዎ 18:42-45
 * 5:19-20 ሊግ 10:12፤ 1ጴፀ 4:8

ኦሪሳ ጩቆ ማፃፋ ንሞሉ

New Testament in Gamo (ET:gmv:Gamo)

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
dffa0cbb-5f77-5875-bf95-f4176677af45